

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna

KANTONALNI SUD U NOVOM TRAVNIKU

Broj: 06 0 K 021002 26 K

Novi Travnik, 6.7.2026. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudaca Lazarela Porić kao predsjednica vijeća, Edvin Kokić i Alma Islamović, kao članova vijeća, uz učešće zapisničara Slađane Dujo, u kaznenom predmetu protiv optuženog E. V. zbog kaznenog djela Ubojstvo iz članka 166. stavak 1. u vezi sa člankom 28. Kaznenog zakona Federacije Bosne i Hercegovine u odnosu na oštećenog B. K. i kazneno djelo Laka tjelesna ozljeda iz članka 173. st.1 istog Zakona i kazneno djelo Ugrožavanje sigurnosti iz članka 183. st.1 Kaznenog zakona Federacije Bosne i Hercegovine u odnosu na oštećenog M. Č., a sve u vezi sa člankom 54. istog Zakona, postupajući po optužnici Kantonalnog tužiteljstva Travnik broj: T06 0 KT 0037698 25 od 19.1.2026. godine, nakon održanog glavnog pretresa dana 30.6.2026. godine, na kojem su bili nazočni kantonalna tužiteljica Kantonalnog tužiteljstva Travnik, Ana Zelić, optuženi E. V., braniteljica optuženog Dijana Hadžijusufović advokat iz Bugojna, po obavljenom vijećanju i glasanju donio je i dana 6.7.2026. godine, u prisustvu optuženog E. V. i braniteljice optuženog Dijane Hadžijusufović, advokata iz Bugojna, a u odsustvu uredno obaviještene kantonalne tužiteljice, javno objavio sljedeću:

PRESUDU

Optuženi:

E. V., zvani E., sin I. i majke D. djev. G., rođen ... godine u B., nastanjen na adresi ... općina B., Bošnjak, državljanin BIH, JMB: ..., razveden, po zanimanju alatničar, nezaposlen, pismen, završena SSS, služio vojsku, vodi se u vojnoj evidenciji, nije odlikovan, lošeg imovnog stanja, osuđivan,

KRIV JE

Što je:

Dana 13.06.2025. godine u vremenu oko 22,30 sati došao u baštu ugostiteljskog objekta Grand Kanarija koji se nalazi u ulici Sultan Ahmeda u Bugojnu, općina Bugojno noseći u ruci sjekiru dužine držalice 70 cm i oštrice 13 cm gdje je znao da sjedi oštećeni B. K., te u namjeri da istog liši života, prišao oštećenom s leđa dok je isti sjedio na stolici za stolom sa više osoba i to A. K., Z. H., M. Č., Đ. Č. i iz neposredne blizine jako zamahnuo predmetnom sjekirou u predjelu glave oštećenog i istog udario tupim dijelom sjekire u predjelu gornjeg dijela glave, svjestan da udarajući oštećenog takvom snagom sa predmetnom sjekirou i to u predjelu glave tačnije u predjelu potiljka može istog usmrtili što je i htio, nakon čega je ponovno zamahnuo sjekirou i udario oštećenog u predjelu desne plečke uslijed čega je oštećeni od siline udarca ustao i počeo teturati kojom prilikom mu je nanio lake

tjelesne povrede u vidu krvnog podliva donjeg dijela uške, njene resice, iza iste i parotideomaseteričnog predjela u nivou doušne žlijezde -glavni parotis i korijena donjevilične kosti, diskretni krvni podliv kože sa nakoso ka gore i upolje postavljenom ogrebotinom kože desnog lopatičnog predjela leđa dužine oko 7cm, te u trenutku dok je oštećeni B. K. zateturao prema stolu u cilju zaštite istog prišao mu je oštećeni M. Č. i uz pomoć pletene pvc stolice pokušao da spriječi dalji napad sa predmetnom sjekirom E. V. prema oštećenom B. K. kad je E. V. u namjeri da istog lako tjelesno povrijedi svjestan da predmetnom sjekirom može lako tjelesno ozlijediti oštećenog što je i htio zamahnuo sjekirom prema tijelu oštećenog M. Č. i nanio mu laku tjelesnu ozljedu u vidu manjeg krvnog podliva kože sa ogrebotinom vanjske strane donje polovice lijeve nadlaktice upućujući mu prijetnju da ga prati 10 dana i da će ga izbosti.

Čime je počinio:

kazneno djelo Ubojstvo iz članka 166. stavak 1. u vezi sa člankom 28. Kaznenog zakona Federacije Bosne i Hercegovine u odnosu na oštećenog B. K.,

kazneno djelo Laka tjelesna ozljeda iz članka 173. st.1 Kaznenog zakona Federacije Bosne i Hercegovine u odnosu na oštećenog M. Č., a sve u vezi sa člankom 54. Kaznenog zakona Federacije Bosne i Hercegovine

Pa mu Sud, na osnovu članka 54. st. 1. Kaznenog zakona Federacije Bosne i Hercegovine,

u t v r đ u j e

Za kazneno djelo Ubojstvo iz članka 166. st. 1. u svezi sa čl. 28. Kaznenog zakona Federacije Bosne i Hercegovine u odnosu na B. K. kaznu zatvora u trajanju od 2 (dvije) godine i 8 (osam) mjeseci

Za kazneno djelo Laka tjelesna ozljeda iz članka 173. st.1. Kaznenog zakona Federacije Bosne i Hercegovine u odnosu na M. Č., kaznu zatvora u trajanju od 5 (pet) mjeseci

Sud na osnovu istih zakonskih propisa, te uz primjenu članka 42, 43, 49., 50, 51. st. 1. točka b. čl. 54. st. 2. točka 2. Kaznenog zakona Federacije Bosne i Hercegovine, kao i uz primjenu odredbe čl. 300. Zakona o kaznenom postupku Federacije Bosne i Hercegovine optuženika osuđuje

NA JEDINSTVENU KAZNU ZATVORA U TRAJANJU OD 3 (tri) GODINE

Na temelju odredbi članka 57. stav 1. Kaznenog zakona Federacije Bosne i Hercegovine u naprijed izrečenu kaznu ima se uračunati vrijeme koje je optuženi proveo u pritvoru počev od 13.6.2025. godine do 11.9.2025. godine.

Na osnovu člana 78. stav 1. Kaznenog zakona Federacije Bosne i Hercegovine od optuženog se trajno oduzima nož sjekira sa drvenim rukohvatom dužine oko 80 cm i oštrice 13 cm, te se istovremeno određuje da se ista sjekira ima uništiti po pravomoćnosti presude.

Temeljem odredbi članka 202. stav 4. Zakona o kaznenom postupku Federacije Bosne i Hercegovine optuženi se djelimično oslobađa od obveze naknade troškova kaznenog postupka, koji se odnose na obvezu plaćanja nagrade i nužnih izdataka postavljenog branitelja, dok se istovremeno obvezuje na naknadu troškova kaznenog postupka koji se odnose na pristup svjedoka u visini od 20,60 KM i troškova sudskomedicinskog vještačenja nastali pred Kantonalnim tužiteljstvom u iznosu od 426,94 KM i 381,60 KM nastalih na glavnom pretresu, što ukupno iznosi 829,14 KM, kao i na ime paušala u iznosu od 200,00 KM, sve u roku 15 dana po pravomoćnosti Presude.

Na osnovu člana 212. stav 3. Zakona o kaznenom postupku Federacije Bosne i Hercegovine oštećeni B. K. i M. Č. se sa imovinskopravnim zahtjevom upućuju na građansku parnicu.

Zapisničar
Slađana Dujo

Predsjednica vijeća
Lazarela Porić